

四庫全書存目叢書編纂委員會編

齊魯書社


四庫全書存目叢書

子部
第一〇一冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

237/07

四庫全書存目叢書·子部一〇一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 49 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第一〇一冊目次

子部·雜家類

西圃叢辨三十二卷

〔清〕田同之輯
清華大學圖書館藏清乾隆十九年李世垣刻本

一

掌錄二卷

〔清〕陳祖范撰
浙江圖書館藏清乾隆二十九年刻本

二一八

捫蝨新話十五卷

〔宋〕陳善撰
中國科學院圖書館藏明崇禎虞山毛氏汲古閣刻津逮祕書本

二六一

志雅堂雜鈔十卷

〔宋〕周密撰
中央民族大學圖書館藏涵芬樓影印清道光十一年六安晁氏木活字學海類編本

三三九

袖中錦一卷

〔宋〕太平老人撰
江西省圖書館藏涵芬樓影印清道光十一年六安晁氏木活字學海類編本

三八五

衍約說十三卷

不著撰者
北京圖書館藏宋刻本

三八九

學易居筆錄一卷

〔元〕俞鎮撰
江西省圖書館藏涵芬樓影印清道光十一年六安晁氏木活字學海類編本

四一五

海涵萬象錄四卷

〔明〕黃潤玉撰
河南省圖書館藏明正德十六年陳槐刻本

四二一

琅瑯漫抄一卷

〔明〕文林撰
上海圖書館藏明俞寬甫鈔本

四四三

三餘贅筆一卷

〔明〕都印撰
上海圖書館藏明鈕氏世學樓鈔本

四五五

損齋備忘錄一卷

〔明〕梅純撰
涵芬樓影印明刻今獻集言本

四六〇

蜩笑偶言一卷

〔明〕鄭瑗撰
涵芬樓影印明隆慶刻百陵學山本

四六六

荷亭辯論八卷附書二卷

〔明〕盧格撰
湖北省圖書館藏清嘉慶六年刻本

四六九

凝齋筆語一卷

〔明〕王鴻儒撰
涵芬樓影印明隆慶刻百陵學山本

五五二

餘冬序錄六十五卷(一)

〔明〕何孟春撰
湖南圖書館藏明嘉靖七年郴州家塾刻本

五五六

西圃叢辨三十二卷

〔清〕田同之輯

清華大學圖書館藏清乾隆十九年李世垣刻本

附《四庫全書總目·西圃叢辨三十二卷》提要

德州小山蘊田先生 司農公之冢孫也余監漕
德州湖師門淵源因得交焉先生爲人氣概高朗
與之晤對如挹爽氣於西山余一見心折固知其
胸藏之富也乃以簿書鞅掌造門常罕而先生則
稽古勵行閉戶不出以故接丰采而聆議論未能
數數也未幾余有江南之行詣先生話別茗椀中
間出其所著西圃叢辨一冊示余余讀之不禁躍
然也近世之所苦非無書也然書有不可有者有
不可不有者有不可不有者是書則不可不有者也
何也著書之人必讀書之人讀書之人有耳目有
心思用其耳目心思而書有可信用其耳目心思
而書有可疑能信難疑尤難疑而釋其疑能使
不終疑則尤難自有讀書難字過之語而讀書者
率皆子美矣自有略觀大意不求甚解之文而讀
書者率皆諸葛忠武聞靖節矣余病正坐此故疾
之切焉夫如余者讀書既如彼設不揣而著書即
不必爲不可有之書亦不過可不可有之書而已矣
始也災梨終也覆瓿已乎何勞人乎何益故曰遊
世所苦非無書也先生此書得於讀書者也書之
不能無訛誤由來久矣而傳訛傳誤輒覺相師習

焉不察比比皆然是書於時地有辨事物有辨詩
文有辨與夫字義音聲稱謂名姓以及傳奇小說
之乖違滑澗無不有辨其已辨於古人者則纂集
之未辨於古人者自爲攷證之吁是何讀而能疑
疑而能使不終於疑歟夫疑者不終於疑則信者
蓋真可信也已先生之讀書殆不孤耳目心思而
能盡其用者耶殆能博取古人之耳目心思以自
廣而復爲古人廣其傳者耶既自竭其耳目心思
又并古人之耳目心思且能使天下後世之讀書
者不必多費耳目心思而大有益於耳目心思者
是之書豈非不可不有者哉先生官於京聲譽滿
長安今棲遲園林竟有樂而安焉之志山蘊書屋
中萬卷羅列兀坐其間日事探討蕭然自得余偶
至止顧謂余曰此司農先公讀書地也余仰瞻俯
歎低徊留之又謂余曰先公嘗言子孫但能立品
讀書雖布衣何妨不然卽置身顯赫所不取焉嗟
乎司農公德業文章光昭海宇至今人仰之若
泰山北斗而小山蘊率由先訓博極羣書出其集
著之一種已足以藏名山而流後學可謂能世其
家者矣余於捧讀是書有不能已於言者以爲題

於簡端如此

乾隆己未仲秋

賜進士出身山東督糧監兌道布政使司叅議通
家世弟通海趙城伊蒿氏拜撰

余束髮受書卽知海內有山蘊先生及長好有韻
之言同鄉前輩中竊其緒論嚮往先生益深最後
古歡堂詩文出根柢深厚才思縱橫持論平而旨
歸正執鞭固所欣慕惜生也晚僅於江鄉海屋一
誦遺編爲可歎也庚子秋先生文孫在田同舉南
北鄉試在田卽先生詩集中所謂小山蘊者文章
氣誼克類先生而侘傺公車鬱鬱不得志余官翰
林君亦長教國子長安薄宦朝齏暮鹽風味正復
相同乃以奉 詔內廷稽察官學辰入酉出迄無
寧晷不獲與君締文酒之歡訂久要之約君則一

八

官雞肋引疾早歸春韭秋菘游優林壑已十數年
於茲矣余辛未奉 命視漕迎 鑾德水雨雪載
塗馬瘡僕痲塵軼之餘晤觀察沈君荻林亟詢小
山蘊眠食沈假館寒綠堂西偏寒綠卽古歡 司
農紀 君思易今名也是時君抱疴謝客而余以
神交夙契還吾刺勿復通不忍出諸口君爲蕭衣
冠治肴核傾其家釀抵掌雄談漏下二鼓不休幾
若病之去體者以所著西圃叢辨索言升其簡余
方扈從屬車攜之行笥早夜僕僕展卷未遑首夏
駐舟棠邑湖光山色柳絮輕風晨起推篷心神怡

曠隨發君編讀之集千狐之腋成一家之言崇雅
黜浮訂訛辨僞以之備遺忘資考據津逮來學厥
功偉矣前明一代通儒新都稱最而丹鉛藝林等
編晦伯元瑞輩嘗警不遺餘力其病在好奇立異
意見獨出君虛衷卓識突過前人後有作者其孰
從而議之余每見學士大夫謬誤相承習焉不察
常思釐定一書掇拾零星未成善本是編也實獲
我心不能釋手聊識數語敬質先生不日征車北
行取道安德苔痕草色清簾疎簾當再登寒綠之
堂一見田先生也

九

賜進士出身戶科給事中淮南年弟程盛修拜題

此吾共學老友田西圃先生所纂也西圃性恬淡
小宦情官京師三載孤潔株守於富貴利達泊如
也及遭外艱歸里閑遂絕意仕進距今二十年獨
處獨寐一室千古於所著詩古文詞外又成叢辨
一書計得三十有二卷凡昔人所已辨者悉錄載
之其沿常襲故未經區別者則自行考證之錯爛
研露歷暑窮寒不惟補昔人所未逮亦且爲後學
之指南太史公云學者載籍極博猶考信於六藝
其西圃之謂乎竊惟今之不學者勿論已卽日事
居稽文采煥發不過自成其一家之言其餘說部

諸書雖偶有辨駁亦僅一則數則而止求如西圃
之專事證辨廣搜博採萃爲一集令人如仰青天
而睹白日者寧復有幾故捧讀之下愛之重之而
又惜西圃以清白家傳無復餘力徒使有用之書
淹沒於寂寞之鄉共學謂何能涉焉漢而巳乎
因捐薄俸代爲刊行庶不負西圃之苦心亦以見
有用之書不等於可有可無之具云爾

乾隆甲戌秋七月

賜同進士出身知陝西興安直隸州事共學姻

李世垣拜序

人不師古之踪跡猶蒙被而臥嘗聞諸昔人矣顧
亦有窮年博極而履常襲故疑誤相沿逮至終身
不識太行山三字者以云師古寧不此類故每於
披覽之下遇昔人之訂訛辨僞者則摘錄之其疑
而難據未見成說者則自行考訂而互證之摘錄
者卽注明出處而未經注明卽自行考證者大抵
山川之誤指事蹟之訛傳議論之荒唐著述之假
借時地之乖違物類之淆混與夫字音差謬注釋
牽強稱謂舛錯以及傳奇小說之移易顛倒久爲
人之所信從者隨手纂組計西圃六寒暑得叢辨

三十有二卷雖以枚數闕未能罄悉而卽此備遺
忘代黃嬭亦聊足自娛已因概之曰西圃叢辨西
村老圃無用人也專事證辨非說部也噫嘻以不
材之山木得優游林壑乎一編向蠹魚乞殘飽亦
幸矣矧是非之大疑似之微瞭然踪跡間不致貽
韓家金銀車之誚則夫師古之益又何如耶
乾隆七年歲在壬戌六月西圃田同之書

西園叢辨總目

卷一

山川

卷二 至 卷四

人物

卷五 至 卷十四

經史子集雜著碑銘石刻法書

卷十五 至 卷十六

詩詞字句

卷十七 至 卷十八

文字音義

卷十九 至 卷二十

輿地城關宮室樓亭堂館橋梁寺觀

卷二十一 至 卷二十二

古蹟成語

卷二十三 至 卷二十五

正朔郊禘鼎鼐錢號刑名貞義臆說妄論等

卷二十六

稱謂名號

卷二十七

日月歲序干支仙佛藝術

卷二十八 至 卷二十九

草木鳥獸蟲魚

卷三十

姓名

卷三十一

文物器製

卷三十二

飲食冠飾閑雜語事

西圖叢辨卷一目錄

華嶽	太華
崧	太行山
夷齊首山	歷山
華不注	龍山
勞山	勞盛山
嶧務	吳山岍山
塗山	大江
三江	九江
黃河源	呂梁洪
濟源	充濟截河
雲夢二澤	九藪十藪
涇屬渭汭	汴水
曲江	汶卽岷
九河	五湖
兩浙略於水經	篤馬河非馬頰河
屯氏河誤爲毛氏	渡盧
三江味別	濟與河別
潘水	康浪
江西	

西圖叢辨卷一

安德田同之小山叢纂集

華嶽

中庸載華嶽而不重誤爲一山非也華固山名嶽亦山名蓋舉二山下故對以二水在禹貢名岍在國語名西吳管子書作西虞在前漢書名吳山後漢書名吳嶽山實一山也周禮豫州山鎮曰華雍州山鎮曰嶽爾雅釋山河南曰華河西曰嶽皆並配對舉則中庸可知矣釋地續

太華

張說西嶽碑云西嶽太華山者當少陰用事萬物生華故曰華山如此則與吾濟華不注山同音義故華山有平去二讀大約古今以去聲用者多矣

崧

詩崧高維嶽嶽四嶽也孔云堯時止有四嶽不主中嶽故曰崧高貌山高者自名崧不主中嶽而言今以崧嵩通用非是

太行山

山海經太行山一名五行山列子作太形則行本音也河圖括地象云太行天下之脊郭緣生述征

記太行首始河內自河內至幽州凡有八陁崔伯
易賦上正樞星下開冀方起爲各邱爰爲平岡巍
乎甚尊其名太行蓋起韻之誤耳丹鉛錄

夷齊首山

夷齊冢廟在蒲之蒲阪首陽山之南馬融顏師古
之說同而高誘乃以爲洛東北去二十里之首陽
山杜預阮籍咸以爲然更謂二子餓死在此卽今
二山皆有夷齊廟九域志兩從之載延之竊以爲
疑按夷齊之蹤當在河東首山首山者雷首也是
爲中條下曰薄山一山九名卽黃山也史略

歷山

舜耕於歷山歷山所在不一傳聞附會莫得指實
今據閻百詩四書釋地續以宋河東縣今蒲州者
爲是

華不注

此處不字讀本音作卜者非也按伏琛齊記引
虞畿服經不跗如詩萼不韡韡之不謂花蒂也言
此山孤秀如華跗之注於水其說甚異而有徵觀
李太白詩昔我遊齊都登華不注峯茲山何俊秀
綵翠如芙蓉比之芙蓉蓋因華不之名也蓋信伏

氏音不爲跗之是丹鉛錄

龍山

濟南郡城東七十里龍山鎮卽水經注巨合城也
漢耿弇討費敢進兵先脅巨里卽此東坡陽關詞
濟南春好雪初晴行到龍山馬足輕舊注引孟嘉
落帽事固大謬施注竟略之以此知注書之難而
陸務觀任淵皆不敢注蘇有以也香祖筆記

勞山

勞山之名齊乘以爲登之者勞又云一作牢邱長
春又改爲勞皆鄙淺可笑按南史明僧紹隱於長
廣郡之嶗山本草天麻生太山嶗山諸山則字本
作嶗若魏書地形志唐書姜撫傳竝作牢乃傳寫
之誤日知錄

勞盛山

寰宇記秦始皇登勞盛山望蓬萊後人因謂此山
一名勞盛山誤也勞盛二山名勞卽勞山盛卽成
山史記封禪書七曰日主祠成山成山斗入海漢
書作盛山古字通用齊之東徧環以大海海岸之
山莫大於勞成二山故始皇登之史記秦始皇紀
令入海者齎捕巨魚具而自以連弩候大魚至射

之自瑯邪北至榮成山弗見至之界見一巨魚射殺之正義曰榮成山即成山也按史書及前代地理志並無榮成山予向疑之以爲其文在瑯邪之下成山之上必勞字之誤後見王充論衡引此正作勞成山乃知昔人傳寫之誤唐時諸君亦未之詳考也遂使勞山竝盛之名成山冒榮之號今特辨之以正史書二千年之誤

同上

嶺務

柏人城西有碑漢桓帝時徐整所立銘曰上有嶺務山王喬所仙嶺音權務即旄邱之旄也讀本字

非丹銘

吳山峴山

吳山爲西鎮在隴州南七十里水經注以爲卽古之峴山按隴志峴山在州西四十里舊峴源縣峴水所出禹貢導峴及岐是也則吳與峴自是兩山鄭注未詳也

隴蜀餘聞

塗山

穆有塗山之會注在壽春東北說文塗會稽山一曰九江當塗也民以辛壬癸甲嫁娶按漢地理志九江郡當塗應劭注禹所娶塗山侯國有禹虛蘇

鵲演義謂宣州當塗誤也東晉以淮南塗流民寓居於湖僑立當塗縣以治之唐屬宣州漢之當塗乃今濠州鍾離也

困學紀聞

大江

江出岷山傳聞舊矣而其源實自蜀西戎萬山來至嘉州而沫水自嵩州合大渡河穿夷略十山以會之至叙州而馬湖江會之又十五里而南廣江會之至瀘州而內江又自資簡會之至重慶而嘉陵江自利閬果合等州會之至涪州而黔江合南夷諸水會之至萬縣而開江水自開達等州會之

五

夫然後總而入峽是江自峽而西受大水凡八及出峽而下岳陽則會之者洞庭湖所受湖南北諸水也又自是而下鄂渚則會之者漢口所受興沅諸水也又自是而下黃州東西十五里則會之者巴河也又自是而下九江則會之者彭蠡今名鄱陽湖所受江東西諸郡水也又自是而下則會之者皖水所受淮西諸水也夫然後總而入海是江自峽而東又受大水凡五略計天下之水會於江者居天下之半其名稱之大而可考者凡十有三故曰江源其出如瓊而能滔滔萬里達海所受者

衆也路史餘論

三江

揚州文有三江而導水之文乃有中江北江釋者於是紛紛孔謂江自彭蠡分三以入震澤不知三江原不入震澤也職方三江揚州之川郡國志韋昭等以吳郡南松江浙江浦陽江爲之按此皆自會稽入海者故志林云江於彭蠡分爲三以入海然江自夏口合漢以入彭蠡卽合爲一自蕪湖出由秣陵京口至崇明入海何嘗有三又考之海內東經會稽之山在大楚南三江之首大江出岷山海江出蔓山南江出高山高山在成都西皆入於海故郭景純以岷江易浦陽今人特不知其處耳又何可妄引而淺證也楊升菴云按蔡沈黃震之說皆於下流求之名以地訛號隨世改恐非禹貢三江之說也曷於上流發源求之徐鉉注說文云江出岷山至楚都各南江至潯陽爲九道名中江至南徐州爲北江入海郭景純山海經注岷山大江所出也岷山南江所自出也岷山北江所自出也三江皆發源於蜀而注震澤禹貢紀其源而及其委耳豈區區爲吳地記其環環改易不常之名

予觀禹貢三江之說當以此意求之上同

九江

導山之文自岷山至衡山過九江至於敷淺原而導江自岷山至於澧過九江至於東陵迤北會於淮東陵今之巴陵故唐志以今鄂州巴陵爲是九江蓋在東陵而上顧不在彭蠡下也按荊州文九江孔殷殷多也謂九江從山溪所出其孔甚多以言治之之難九江各源其下流合於江而非大江孔安國言江於荆界分爲九道應劭遂以爲自潯陽分班志則以爲在潯陽縣南皆東合於大江今江水過洞庭至於巴陵而後東北邪行入於彭澤所謂至於東陵東迤北也豈潯陽之區哉按九江舊說一曰畎二曰現三嘉靡四烏工五蚌六盪七廬八沙提九廩爲之始於鄂陵而會於京口桑落洲而張須元九江圖乃有三里五洲白蚌齒州之名五州卽現而三里卽畎也四番志云江自鄂陵分派爲九於此合流謂之九江口安國言爲九派未有其名至張僧鑑張須元賈耽名而不同蓋出俗傳江何嘗分九哉逮蔣之奇乃以九江爲今洞庭宜亦有所見矣竊考漢志自有沈漸元辰叙西

澧湘資九水皆合洞庭東入於江山海經云洞庭之山是在九江中而博物志君山爲洞庭山故張勃吳錄云岳之洞庭荆之九江也若潯陽則爲揚境非荆地矣水經注言九江在長沙國不雋縣西北楚地乃今岳之巴陵洞庭在其西北則荆之九江爲洞庭審矣上

黃河源辨

按史記云河有兩源一出蔥嶺一出于闐合流東注蒲昌海伏流地中南出積石其出多玉石武帝因按古圖書各河所出山曰崑崙班固以塞爲未

不詳

九

嘗見崑崙唐薛元鼎使吐蕃自隴西成紀出塞二千里得源於閼磨黎山中高四下所謂崑崙水東北流與積石河相連河源澄瑩冬春可涉下稍合流色赤益遠他水竝注遂濁吐蕃亦自言崑崙在其西南故蔡氏尙書禹貢傳兼取二說而歸是於薛然皆非耳目聞見之實論元至元十七年命都實佩金虎符往求河源自河州四閱月始抵其處學士潘昂霄述其所見爲志謂河源出吐番朶甘思西鄙有泉百餘泓沮洳渙散方可七八十里自上瞰之如列星羣流奔驟五七里匯二巨澤自西

而東經歷可半月合赤賓河其流湊大始名黃河然水猶清又一二日岐爲八九股行可二十日至朶甘思東北有大雪山卽崑崙也自是凡七八日河水北行轉西崑崙北一東北流可二十日至禹貢積石自發源至漢地南北溪澗分流合派莫知紀極至積石始林木暢茂及考臨川朱思本得譯出梵字圖書其間分合轉折與志或異而崑崙積石地域遠近大要相同大概謂河源東北流所歷皆西番地至蘭州凡四千五百餘里始入中國又東北流過胡地凡二千五百餘里始考張騫使西域所至惟大月氏大宛大夏康居其餘旁國皆得之傳聞徒見鹽澤伏流至於積石再出遂謂此爲河源誠未覩崑崙崙班固非之宜矣元鼎雖亦以使事往吐番然履歷有序其言崑崙山水委曲可信故蔡傳以元鼎之言爲近然亦未究極至元有天

不詳

九

升卷

集外

呂梁洪

今徐州下百二十里爲呂梁洪水勢險急漕河之咽喉也莊子所稱呂梁在呂梁縣南泗水之上有石梁焉故曰呂梁也懸水三十仞流沫九十里後漸平細又水經注涌水出善無縣故城西南八十里其水西流歷於呂梁之山而爲呂梁洪其巖層岫迂澗曲厓深巨石崇竦壁立千仞河流激盪騰涌雲馳雷濟電洩震天動地司馬彪曰呂梁在離石縣西今人知徐州之呂梁洪而不知呂縣離石之兩呂梁洪也

同上

濟源

戰國策注出常山房子縣贊皇山東至鉅鹿懷陶縣入泚索隱曰濟水出河東王屋山其流至濟陰應劭曰濟水出平原陰縣東三說不同何也蓋濟水伏流或隱或見三家各以所見爲出處耳

同上

兗濟截河

兗濟截河之說古今未悉夏書兗水東流爲濟入於河溢爲榮又東出陶邱北此伯禹所知也兗濟二郡正以是名濟源縣在河東濟南濟北濟陽濟

陰皆在河南自杜預謂濟由滎陽東過魯之西至樂安入海兗出王屋入河始分爲二

同上

雲夢二澤

雲夢楚之二澤也江南爲夢江北爲雲以其跨江相比而謂雲夢爾雅十藪楚有雲夢後世以爲一澤如杜預以雲夢藪爲巴邱湖酈道元謂自江陵東界爲雲夢北爲雲夢之藪誤矣按左氏春秋傳昭公三年鄭朝楚楚子田於江南之夢卻子之女生于文棄之夢中則江南之夢澤定公四年吳入楚楚子涉睢濟江寢於雲中卽江北之雲澤也

史路

論餘

九藪十藪

周語云豐殖九藪其在職方揚有具區荊有雲夢豫有圃田青有夢諸兗有大野雖有弦蒲幽有猗養冀有場紆而并有昭餘祁然爾雅乃有十藪魯曰大野宋曰孟諸楚曰雲夢燕曰昭餘祁鄭則圃田而吳越間則有具區齊有海隅周有焦護晉有大陸而陽陝乃爲秦藪海隅大陸焦護既異且無弦蒲夫大陸晉地而焦護陽陝皆在扶風方周公時秦未分地豈得與周並舉周亦何由自謂之周

而與秦並言哉且以海隅何得為蕞而獨屬之齊耶傳云鄭之有原圖猶秦之有其圖也今乃以陽陝屬冀圖田屬豫地理殊矣以鴻烈之九藪若從爾雅既無周魯而益以趙之鉅鹿則是與晉大鹿為二也說文用職方以圖田為甫田繇養為奚則自異爾

涇屬渭汭

禹貢涇屬渭汭蔡傳謂涇渭汭三者皆水名而汭入於涇鄒季友尚書音釋云涇水先會汭水後入渭水則經當言涇屬汭渭不當先渭而後汭況下

渭屬涇

主

文卽有渭汭字不可異釋當從孔傳水北曰汭黃東發日抄云古注謂水內為汭若如古說涇入渭水之內而漆沮既從澧水攸同皆主渭言之文意俱協若以汭為一水而入涇則涇屬渭汭者是涇既入渭汭又入涇下文漆沮之從澧水之同孰從孰同耶兼經云涇屬於渭而乃云汭入於涇文恐相反又下文會於渭汭若二水則不以會言矣恐渭汭合依古說職方氏其川涇汭易氏解云汭非禹貢之汭禹貢言汭皆水內此川各余按蔡氏解堯典媽汭云爾雅曰水北曰汭亦小水入大水之

名蓋兩水合流之內也故從水從內又解東過洛汭云洛水交流之內今却自背其說當為職方氏所誤而未睹易氏之解耳況導渭之下止言澧涇漆沮絕不及汭足見蔡氏之失

其珠船

汭水字本用板場帝惡其從反易之

汭流舊矣世咸謂隋煬始創以幸維揚前此未有斯大妄也汭也者魏大梁也故東魏為梁州後周曰汭卽漢之漕渠一名葭若其渠厥利自秦氏徙平陰以開灌注後以開空不填乃任水下扶溝入渦而通泗暨漢平帝時河汭久壞其後汭渠東浸

汭屬渭

主

充豫百姓怨歎於是詔發卒數十萬從景修渠堤渠成河汭分流稍復舊迹禹貢所紀言浮於淮泗達於河者蓋由淮以入汭汭汭而入河也使其無汭淮泗奚自而達河哉此則伯禹之前有汭已久矣餘論

曲江

能改齋漫錄曲江有三枚乘七發云觀於廣陵之曲江今蘇州也廣東有曲江今韶州也司馬相如弔二世賦臨曲江之陞州卽長安也按七發廣陵之曲江卽浙江曲與浙義均也故其詞曰弭節伍